



Odjel za društvene djelatnosti
Hercegovačko-neretvanska županija Hercegovačko-neretvanski kanton
Federacija Bosne i Hercegovine
Bosna i Hercegovina

Broj:06/2-34-7146 /21
Mostar, 19.05.2021.godine

**SVIM OSNOVNIM ŠKOLAMA
SA PODRUČJA GRADA MOSTARA
N/r direktora/ravnatelja**

Predmet: Upis učenika u I. (prvi) razred osnovne škole u školskoj 2021/2022. godini

Poštovana/i,

Obavještavamo Vas, da se prema instrukciji Ministarstva obrazovanja, nauke kulture i sporta HNK/Ž Broj: 05-02-34-473-2/21 od 17.5.2021.godine, trebaju obaviti sve pripreme za upis učenika u I razred osnovne škole. U I razred osnovne škole upisuju djeca koja do 1. (prvog) ožujka tekuće godine navršavaju pet i pol (5,5) godina života.

Napominjemo da djecu koja do 1. marta/ožujka tekuće godine nemaju navršenih 5,5 godina života možete upisati u prvi razred nakon prethodno pribavljenog odobrenja Službe za odgoj, obrazovanje, mlade i sport, da se dijete može uvrstiti u spisak školskih obveznika.

U skladu sa odredbom člana/članka 51. Zakona o osnovnom odgoju i obrazovanju (Službene novine HNK/Ž-a broj: 5/00, 4/04 i 5/04 i 1/14 i 7/16), (U daljem tekstu Zakon), roditelji/staratelji djece koja do 1. marta/ožujka tekuće godine nemaju navršenih 5,5 godina života, koji to do sada nisu uradili, trebaju podnijeti zahtjev ovoj Službi, putem škole ili lično, da se dijete uvrsti u popis djece dorasle za upis (obrazac zahtjeva dostavljamo u prilogu), kako bi Komisija/Povjerenstvo moglo utvrditi da li je dijete psiho-fizički sposobno za školu.

Također, napominjemo da na zahtjev roditelja odnosno staratelja ova Služba može, uz prethodnu pribavljenu suglasnost stručne medicinske ustanove, odgoditi početak obaveznog osnovnog školovanja ukoliko je to u najboljem interesu djeteta (obrazac zahtjeva za odgodu upisa u I razred dostavljamo u prilogu).

U skladu sa članom/člankom 22. i 22a. Zakona o osnovnom odgoju i obrazovanju, u školu možete upisati samo djecu sa upisnog područja Vaše škole, u skladu sa Odlukom o dopunama Odluke o utvrđivanju vrste i broja osnovnih škola (mreža osnovnih škola) na području Hercegovačko-neretvanskog kantona/županije (Službene novine HNK/Ž broj: 5/2008). Samo izuzetno, na zahtjev roditelja ili staratelja, Ministarstvo može u skladu sa odredbom člana/članka 22a. Zakona, u iznimnim slučajevima dijete izuzeti od obaveze pohađanja škole sa upisnog područja na kome su nastanjeni, ako je to potrebno da bi se zaštitila prava djeteta i ako se utvrdi da je to u najboljem interesu djeteta. S tim u vezi, u oglasu kojim se roditelji obavještavaju o terminu upisa obavezno treba naznačiti upisno područje škole utvrđeno navedenom Odlukom.

U cilju provođenja postupka upisa, u prilogu ovog dopisa, dostavljamo Vam Rješenje o imenovanju Komisije/Povjerenstva za utvrđivanje psiho-fizičkog stanja djece pri upisu u prvi razred osnovne škole u školskoj 2021/2022.godini.

Imajući u vidu aktuelnu epidemiološku situaciju, upis učenika u I razred će se ove godine organizirati na način da će se, u dogovoru sa imenovanom Komisijom/Povjerenstvom, prvo odrediti termini za ljekarske preglede djece i isti obaviti, a nakon toga će škole naknadno odrediti roditeljima termine za testiranje djece i iste obaviti. U dogovoru sa ljekarima, članovima Komisije/Povjerenstva za utvrđivanje psiho-fizičkog stanja djece, potrebno je da utvrdite termine ljekarskih pregleda djece i o istim blagovremeno obavijestite ovu Službu. S tim u vezi u dogovoru sa ljekarima, članovima Komisije/Povjerenstva za utvrđivanje psiho-fizičkog stanja djece, potrebno je da utvrdite termine ljekarskih pregleda djece i o istim blagovremeno obavijestiti Službu.

Imajući u vidu činjenicu da je predhodno obavljeno elektronsko evidentiranje školskih obveznika i da škole posjeduju sve kontakte i podatke o školskim obveznicima, upis u I razred tj. i ljekarske preglede i testiranja, treba organizirati na način da se pri upisu maksimalno izbjegne nepotrebno čekanje djece i roditelja.

Posebno napominjemo da su škole dužne da za potrebe Komisije/Povjerenstva za utvrđivanje psiho-fizičkog stanja djece pri upisu u prvi razred osiguraju adekvatne prostorije, veće površine, prozirane, u kojima će se odraditi pregledi djece-školskih obveznika. Takođe je potrebno da se pri upisu povede računa da se poduzmu sve važeće epidemiološke mjere.



Molimo Vas takođe da oglašavanje termina ljekarskih pregleda djece izvršite blagovremeno.

Nakon provedenog upisa, obavezni ste ovoj Službi dostaviti poimenični izvještaj o upisanim školskim obveznicima kao i o obveznicima koji nisu upisani, odnosno koji su upućeni na dodatno promatranje u skladu sa posebnim propisima.

Molimo ravnatelje škola da prilikom upisa djece u I (prvi) razred osnovne škole obavijeste roditelje da je Grad osigurao sredstva za udžbenike svim učenicima koji polaze u prvi razred u školskoj 2021-2022 godini. Grad će doznačiti finansijska sredstva svakoj školi i iste će nabaviti udžbenike i distribuirati ih roditeljima na početku školske godine.

Unaprijed se zahvaljujemo na razumjevanju.

S poštovanjem.


NAČELNIK

Božo Ćorić

PRILOG:

- Rješenje o imenovanju Komisije/Povjerenstva za utvrđivanje psiho-fizičkog stanja djece pri upisu u prvi razred osnovne škole u školskoj 2021/2022.godini Broj: 02-34-2746/21 od 24.02.2021.godine;
- Informacija Ministarstva obrazovanja, znanosti, kulture i sporta

06

Bosna i Hercegovina
Federacija Bosne i Hercegovine
HERCEGOVAČKO - NERETVANSKI
KANTON
MINISTARSTVO OBRAZOVANJA, NAUKE
KULTURE I SPORTA



Bosna i Hercegovina
Federacija Bosne i Hercegovine
HERCEGOVAČKO - NERETVANSKA
ŽUPANIJA KANTON
MINISTARSTVO PROSVJETE, ZNANOSTI
KULTURE I ŠPORTA

Mostar, S. Radica 3/III, tel: +387 (0)56-334-400 fax: +387 (0)56-316-792 www.menkshnk.gov.ba e-mail: monkshnk@tel.net.ba

Broj: 05-02-34-473-2/21
Mostar, 17.05.2021. godine

17/05/2021
06-34-473-2/21

- Odjeli društvenih djelatnosti jedinica lokalne samouprave HNK
- Osnovne škole HNK

Predmet: Upis učenika u prvi (I) razred osnovne škole u školskoj 2021/22. godini

Mjerodavna općinska tijela uprave i osnovne škole dužne su obaviti sve pripreme za upis učenika u prvi (I) razred, kako slijedi:

- u prvi (I) razred osnovne škole upisuju se djeca koja do 1 marta tekuće godine navrše pet i pol (5.5) godina života (član 51. Zakona o osnovnom odgoju i obrazovanju „Službene novine HNK“, broj: 5/00, 4/04, 5/04, 1/14 i 7/16.).

Napomena: Roditelji ili staratelji djece mlade od navedenih obaveznika mogu podnijeti zahtjev nadležnom općinskom tijelu uprave za upis kako bi komisija za ocjenu psihofizičke sposobnosti donijela procjenu opravdanosti zahtjeva. Ista komisija vrši i procjenu opravdanosti odgode početka obaveznog školovanja, ako roditelji ili staratelji misle da je to u najboljem interesu djeteta, a to potkrepljuje pribavljenom stručnom dokumentacijom medicinske ustanove.

S poštovanjem,

Dostaviti:

1. Naslovu,
2. a/a.

